

OBRAZAC ZA INDEKSACIJU SUDSKIH ODLUKA

NAZIV SUDA	Apelacioni sud Brčko distrikta BiH
BROJ PREDMETA	96 o P 120547 22 Gž
SENTENCA -Sentencu je potrebno izraditi za odluke u kojima je zauzet pravni stav o nekom pravnom pitanju-	<p>Ugovorna kazna kao sredstvo obezbjeđenja izvršenja ugovora se može ugovoriti kako zbog neispunjenja tako i zakašnjenja u izvršavanju ugovora. U situacijama kada dođe do ispunjenja ugovornih obaveza, ali sa zakašnjenjem, ako je ugovorna kazna ugovorena, to tužitelj kao druga ugovorna strana, nakon prijema ispunjenja, ima obavezu bez odlaganja saopštiti tuženom da zadržava pravo na ugovornu kaznu. To treba shvatiti na način da to saopštenje se ima dati u primjerenom roku, bez odlaganja.</p> <p>Prema odredbama Zakona o obligacionim odnosima pod neosnovanim obogaćenjem se podrazumijeva vanugovorni obveznopravni odnos između sticaoca koji je obavezan na povratak imovine ili naknade vrijednosti onog dijela imovine ili imovinske koristi koju je stekao od osiromašenog bez pravnog osnova u pravnom poslu ili zakonu, odnosno bez pravnog osnova koji se nije ostvario ili je kasnije otpao (član 210. stav (1) i (3) Zakona o obligacionim odnosima), s tim da sticanje nije poteklo od građanskog delikta. Dakle, jedan od uslova jeste da činidba zbog koje se dogodila promjena u imovini ne smije biti štetna radnja u smislu građanskog delikta, odnosno povrede ugovornog odnosa, jer u tom slučaju nastaje obaveza odgovornosti za štetu.</p> <p>Tužitelj ima pravo na naknadu štete za izmaklu korist samo ako su ispunjeni određeni uslovi, a to je da je šteta u vidu izmakle koristi izvjesna i da postoje elementi na osnovu kojih se može odrediti iznos izmakle koristi i ako očekivana izmakla korist ne bi bila protivna važećim propisima i dobrim poslovnim običajima. Pravo na naknadu štete zbog izmakle koristi povjerilac ima samo ako je prema onome što se u životu redovno dešava ili prema posebnim okolnostima slučaja izvjesno (van razumne sumnje) da bi tu korist i ostvario. Pri tome, nije dovoljno neko optimističko predviđanje dobitka i nije dovoljno da je povjerilac planirao dobitak. Dobitak za koji se po subjektivnim procjenama i željama povjerioca, pretpostavljalo da će nastupiti, ne uzima se u obzir</p>

Napomena: uz popunjen obrazac, molimo Vas da CSD-u dostavite izabranu sudsku odluku u elektronskom (Word) formatu, te vezane odluke (prethodne odluke i odluku Ustavnog suda BiH), ukoliko iste posjedujete.

	<p>prilikom odmjeravanja naknade štete. Traži se da je u pitanju dobitak koji bi svakako nastao, da postoji razumna vjerovatnoća u pogledu ostvarenja takve koristi.</p> <p>U obavezi kupca da uslijed razlike u kvadraturi između projektovane i konačne kvadrature stana vrši doplatu, posebno dolaze do izražaja osnovna načela obligacionog prava kojima se ispravlja krutost pojedinih normi i omogućava moralizacija i humanizacija obligacionog prava, i to načelo savjesnosti i poštenja (odredba člana 12. Zakona o obligacionim odnosima) koje generalno znači da su sudionici obveznih odnosa dužni međusobno postupati obzirno uvažavajući interese obje strane, pri tom vodeći računa o smislu i svrsi obveznog odnosa, te načelo jednake vrijednosti uzajamnih davanja (odredba člana 15. Zakona o obligacionim odnosima), koja podrazumijeva ekvivalentnost uzajamnih prestacija ugovornih strana i sastoji se u nastojanju da kod dvostranoobveznih ugovora svaka strana za korist koju prema ugovoru dobija, treba drugoj strani (ili trećoj osobi) dati jednaku protivvrijednost.</p>
PRAVNA OBLAST	Građansko pravo
PRAVNI INSTITUTI	<p>Ugovorna kazna Neosnovano bogaćenje Izmakla korist Načelo savjesnosti i poštenja Načelo jednake vrijednosti uzajamnih davanja</p>
PRIMIJENJENI PROPIS - naziv propisa, broj člana i broj(evi) službenog glasila u kojem je objavljen propis i njegove izmjene i dopune -	<p>Član 273. Zakona o obligacionim odnosima Član 210. Zakona o obligacionim odnosima Član 189. Zakona o obligacionim odnosima Član 12. i 15. Zakona o obligacionim odnosima</p>
PRETHODNE ODLUKE - broj(evi) predmeta i naziv suda koji je donio odluku -	Presuda Osnovnog suda Brčko distrikta BiH, broj 96 o P 120547 18 P od 10.9.2021. godine
ODLUKA O MERITUMU USTAVNOG SUDA BiH - ukoliko je odluka bila predmet apelacije -	

Napomena: uz popunjen obrazac, molimo Vas da CSD-u dostavite izabranu sudsku odluku u elektronskom (Word) formatu, te vezane odluke (prethodne odluke i odluku Ustavnog suda BiH), ukoliko iste posjedujete.